

Na osnovu člana 4.2. i 4.7. Zakona o prijenosu, regulatoru i operatoru sistema električne energije u Bosni i Hercegovini (“Službeni glasnik BiH”, br. 7/02, 13/03, 76/09 i 1/11), člana 33. Poslovnika o radu Državne regulatorne komisije za električnu energiju (“Službeni glasnik BiH”, broj 2/05) i člana 49. stav (7) Pravilnika o licencama – prečišćeni tekst (“Službeni glasnik BiH”, broj 63/16), na sjednici Državne regulatorne komisije za električnu energiju održanoj 10. jula 2018. godine, donijeta je

ODLUKA O NASTAVKU KORIŠTENJA LICENCE

1. GEN-I d.o.o., Društvo za trgovinu i prodaju električne energije, sa sjedištem u Sarajevu, Ulica Hamdije Kreševljakovića 7, vlasnik licence za obavljanje djelatnosti međunarodne trgovine električnom energijom, registracijski broj: 05-28-12-306-17/15 od 27. januara 2016. godine, nastavlja sa korištenjem ranije dodijeljene licence pod nazivom: GEN-I d.o.o., Društvo za trgovinu i prodaju električne energije, sa sjedištem u Sarajevu, Ulica fra Anđela Zvizdovića 1, uz neizmijenjene uvjete licence.
2. Ova odluka stupa na snagu danom donošenja, a dispozitiv odluke bit će objavljen u “Službenom glasniku BiH” i službenim glasilima entiteta.

Obrazloženje

GEN-I d.o.o., Društvo za trgovinu i prodaju električne energije, sa sjedištem u Sarajevu, u Ulici Hamdije Kreševljakovića 7, vlasnik je licence za obavljanje djelatnosti međunarodne trgovine električnom energijom koja mu je izdata Odlukom Državne regulatorne komisije za električnu energiju (u daljem tekstu: DERK), broj: 05-28-12-306-17/15 od 27. januara 2016. godine, na period od 1. marta 2016. godine do 28. februara 2021. godine.

Vlasnik licence je aktom od 15. februara 2018. godine, zavedenim pod brojem: 05-28-12-85-1/18, obavijestio DERK o svojoj namjeri promjene adrese sjedišta, sa traženjem da se ovi podaci izmijene u službenim evidencijama DERK-a po dostavljanju dokaza od strane Društva.

Prijava izmijenjenih podataka potkrijepljena je odgovarajućom dokumentacijom koja je DERK-u dostavljena 4. juna 2018. godine, te je uvidom u Rješenje o izmjenama podataka Općinskog suda u Sarajevu, broj: 065-0-Reg-18-001063 od 6. marta 2018. godine, utvrđeno da su u sudski registar pomenutog Suda upisani podaci o novoj adresi sjedišta Društva.

Postupak registracije promijenjenih podataka o istom subjektu u odgovarajućem registru vlasnika dozvole za obavljanje djelatnosti snabdijevanja električnom energijom - dozvole II reda okončan je i kod Regulatorne komisije za energiju u Federaciji Bosne i Hercegovine.

Imajući u vidu da se, shodno Pravilniku o licencama, promjenom licence ne smatra promjena naziva, sjedišta ili adrese vlasnika licence, a uvažavajući činjenicu da promijenjeni podaci nemaju utjecaj na pravni položaj vlasnika licence i daljnje nesmetano korištenje licence od strane iste pravne osobe, to je na osnovu člana 49. stav (7) Pravilnika o licencama donijeta odluka kao u dispozitivu.

U skladu sa članom 9.2. Zakona o prijenosu, regulatoru i operatoru sistema električne energije u Bosni i Hercegovini, protiv ove odluke može se pokrenuti postupak pred Sudom Bosne i Hercegovine podnošenjem tužbe u roku od 60 dana od dana prijema ove odluke.

Broj: 05-28-12-85-4/18

10. jula 2018. godine

Tuzla

Predsjedavajući Komisije

Milorad Tuševljak